

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 940 del 18/04/2025

De òrbetn as de strosn ont as de gea'ben en Palai en Bersntol, en Garait ont en Oachpèrg. En kurza zait der bando ver Vlarotz aa. S sai' de òrbetn van Projekt Derver PNRR

Verkear en Bersntol, s sai' noch de gare ver de òrbetn za leing en sicherkait

S geat envire der iter ver za prauchen de zuazoln u'gahenk en projekt Derver van PNRR as secht der Trentin òrbetn pet Palai en Bersntol ont s Bersntol.

Men ist noch za za mòchen a gara kuriart va Apac ver za mòchen drai òrbetn ver za leing en sicherkait ont verpersern de ben en de eirter va Garait, Palai en Bersntol ont Oachpèrg. òrbetn as sai' drinn en demear as 6 miolionen va euro - as de gòzn 20 milionen ver en Projekt Derver as sai' kemmen semm galeik petn PNRR - gem ver de òrbetn regiart va de provinzalagenzi ver de òllgamo'òrbetn, ver za verpersern de haiser ont de derver, òrbetn ver de umbèlt, verpersern de ben ont ver en grea'verkear. Òlls s doi en de projektn usnterstitzt va de presidenz va de Provinz zòmm pet lokalnamministrazion ont ver de doin projektn de provinzaljunta hòt nou ònders gèlt galeik, ver de infrastrukturm ont ver de mobilitet, zòmm petn gèlt van Stòttplan ver za vongen bider u' ont hòltn hert. Za schaug pesser Apop trock envire òrbetn ver òndra 4 milionen va euro versichert van provinzalbilanz, as sai' iberhaup ver za verpersern de nèt看 va ben en gònz Bersntol as praucht der pb 135 (as de tschenket sait va de Bersn) ont der pb 8 (as de garècht sait van Bersn).

Ver de gare as kearn en verkear, der earste tritt finz asn ovòll ist der sèll van "leing en sicherkait ont baitem a toal sticker van provinzalbe 135, van kilometer 3+940 asn kilometer 4+130, en de Gamo' va Garait" (Òrbet S-1037 - unitet funzional 20.4). Der u'vòngkost va de gara ist va 304.078,43 euro.

De bèrkn as sai' kemmen inngalont miasn se vourstelln pet an prais iberinn um 12.00 van pfinsta as de 17 van oberel 2025, earste sitz va gara en gleich to um zboa ont a hòlb no en vormes.

Derno ver zait ist "leing en sicherkait de lait as gea' za vuas asn pb 8 van kilometro 6+400 finz asn kilometro 6+760 ungefèr, van kilometro 7+450 finz asn 7+500 a ker au a ker o ont van kilometro 8+840 finz

asn kilometro 9+200 ungefèr en de gamoa' va Oachpèrg. Der u'vòngkost va de gara ist 685.403,68 euro (a'ne Iva), derbail de bèrkn as sai' kemmen inngalongt miasn se vourstelln pet an prais iberinn um 12 van 18 van oberel 2025 (pet de earste sitz va gara un 9.30 as de 23 van oberel).

Dòra ist gor de gara ver "leing in sicherkait van ourt petn riven en gea'be ont en plòtz leing s bòsser as de bichtesn ben" en de Gamoa' va Palai en Bersntol (òrbet n. S-1037/19 - UF19), pet en u'vòngkost va gara va 516.888,28 euro. Ver de doi òrbet de bèrkn as sai' kemmen inngalont miasn se vourstelln pet an prais iberinn um 12 as de 23 van oberel 2025; un 14:30 de earste sitz va gara.

En a kurza zait Apac bart embiarn pet de gara ver de òrbetn ver "leing en sicherkait ont baitern der p.b 135 van km 6+320 finz en km 6+640 ungefèr en de Gamoa' va Vlarotz (òrbetn n. S-1037 - UF 20.3)", pet an u'vòngkost va gara ver de òrbetn va a ker au a ker o 340tausnt euro.

Ibersetz gamòcht van Sprochtirl va de Tolgamoa'schòft Hoa Valzegu' ont Bersntol

(cdt)